



Pou Piblikasyon Imedya: 29/12/2022

GOUVÈNÈ KATHY HOCHUL

GOUVÈNÈ HOCHUL ANONSE PLIS PASE 11.6 MILYON DOLA YO AKÒDE POU MINISIPALITE YO POU PWOJÈ KOMINOTE ENTÈLIJAN SOU PLAN KLIMATIK YO

Sibvansyon yo sipòte objektif klimatik Eta New York atravè rediksyon gaz a efè sè, adaptasyon chanjman klimatik, ak rezistans kominotè

Gouvènè Kathy Hochul te anonse jodi a ke pwogram Sibvansyon pou Kominote Entèlijan sou plan Klimatik (Climate Smart Communities) Depatman Konsèvasyon Anviwònmantal (Department of Environmental Conservation, DEC) Eta a ap akòde plis pase 11.6 milyon dola bay 25 minisipalite atravè eta a. Finansman ede minisipalite yo peye pwojè ki pral souvan ekonomize dola kontribyab yo alontèm pandan y ap diminye emision gaz ki lakòz efè sè epi ede kominote yo adapte yo ak enpak kontinyèl chanjman klimatik yo, tankou diminye risk inondasyon yo, relokalize oswa modènize enfrastrikti enpòtan yo, epi ogmante rezistans kominote a fas ak move tan.

"Finansman enpòtan sa a nan Pwogram Kominote Entèlijan sou plan Klimatik New York la enpòtan anpil pou sipòte efò lokal yo pou pwoteje rezidan yo ak enfrastrikti yo kont efè chanjman klimatik yo", **Gouvènè Hochul te deklare**. "Nou kontinye wè move tan ki deplizanpli ekstrèm chak ane epi sibvansyon sa yo ede otorize aksyon solid ki baze nan lokalite a, pou ede atenn objektif klimatik anbisye New York yo pandan y ap bay yon egzanp pou lòt minisipalite yo swiv."

Etabli an 2016, Pwogram Sibvansyon Kominote Entèlijan sou plan Klimatik la se yon pwogram sibvansyon kontrepatti 50/50 ki konpetitif pou minisipalite yo pou yo aplike pwojè ki konsantre sou adaptasyon chanjman klimatik ak diminisyon gaz a efè sè yo. Kalite pwojè yo gen ladan tou kèk pwojè planifikasyon ak evalyasyon ki fè pati yon estrateji pou reyalize sètifikasiyon Kominote Entèlijan sou plan Klimatik. Nan total fon sibvansyon yo te bay nan faz kategori aplikasyon ak sètifikasiyon respektiv yo, yo te akòde 36 poustan pou pwojè aplikasyon ki sitiye nan kominote ki defavorize yo ki fè fas ak yon fado ki pa pwopòsyonèl an tèm polisyon anviwònmantal, epi yo te akòde 66 poustan pou pwojè sètifikasiyon minisipalite yo ki genyen yon kominote defavorize, jan kritè pwojè Gwoup Travay Jistis Klimatik (Climate Justice Working Group) la idantifye.

Pwogram nan sipòte tout Lwa sou Lidèchip Klima ak Pwoteksyon Kominotè (Climate Leadership and Community Protection Act, CLCPA) a, ki egzije New York redwi emision gaz efè sè a 85 poustan nan nivo 1990 yo apati 2050. Depi kòmansman

Pwogram Sibvansyon Kominote Entèlijan sou plan Klimatik la, DEC deja bay minisipalite yo plis pase 50 milyon dola pou sipòte pwojè adaptasyon ak mitigasyon klimatik lokal yo. Gen plis enfòmasyon sou pwogram sibvansyon an ki disponib sou [sitwèb DEC la](#).

Komisè Depatman Prezèvasyon Anviwònmantal (Department of Environmental Conservation, DEC) la, Basil Seggos te deklare, "Kominote Entèlijan sou plan Klimatik sa yo ke yo rekonèt jodi a se egzanp puisan konsènan sa minisipalite yo ak lidè lokal yo ka fè pou diminye polisyon ak pwoteje rezidan yo kont move tan ak konsekans klima nou an k ap chanje a. Gouvènè Hochul rekonèt severite defi klima ki devan nou yo ak sibvansyon sibstansyèl sa yo ki sipòte angajman Eta New York pou redui emisyon gaz a efè sè epi ede tout vil, tout komin, ak tout vilaj yo, espesyalman kominote jistis anviwònmantal yo, ki vin pi fò ak pi rezistan."

Sibvansyon pou Kominote Entèlijan sou plan Klimatik yo akòde pou 2022 yo se:

Capital Region

Konte Albany - 35,000 dola

Plan Aksyon Klimatik: Konte Albany pral devlope premye plan aksyon klimatik li a, ki pral kouvri alafwa operasyon gouvènman an yo ak tout kominote a. Plan an pral konte sou done ki soti nan envantè gaz lakòz ki lakoz efè sè ki sou pye kounye a pou idantifye objektif ak aksyon pou rediksyon emisyon yo.

Vilaj Cambridge - 30,000 dola

Konplete Plan Applikasyon Politik Lari: Vilaj Cambridge la pral devlope yon politik lari ak yon plan aplikasyon ki konplè. Règleman ak plan aplikasyon an pral gen ladan yon evalyasyon enfrastrikti bisiklèt ak pyeton ki egziste deja, priorizasyon amelyorasyon rekòmande yo, ak posibilité jeni preliminè nouvo amelyorasyon pou pyeton nan koridò Route 313 la.

Vil Glenville - 575,000 dola

Lari Konplè Freemans Bridge Road la: Vil Glenville pral fini transfòmasyon Freemans Bridge Road la an yon 'lari konplè'. Pwojè a pral ajoute yon kilomèt edmi nouvo twotwa ant Dutch Meadows Lane ak Route 50, ak pasrèl ki gen koulè kontraste ak teksti, ak siyal sikilasyon pou pyeton yo. Yo pral ajoute tou twa estasyon otobis CDTA anplis nan koridò a, pou ogmante aksè ak transpò publik.

Vil Halfmoon - 232,000 dola

Lyen Santye Towpath nan Kanal Erie: Vil Halfmoon pral konplete yon segman santye bisiklèt ki mezire 4,175 pye sou Mohawk Towpath Scenic Byway, ki konekte vil Schenectady ak vilaj Waterford ak vil Cohoes. Konstriksyon pral gen ladan yon chemen pou utilizasyon miltip 1,925 pye epi ki mezire uit pye lajè ak yon segman wout pataje 2,250 pye ak makaj, pano sikilasyon, ak siyal oryantasyo, pasrèl, ak bòn an wòch sou Towpath Road, ant Beach Road ak Clamsteam Road. Finisman santye a atravè vil la pral fè tout koridò a vin pi vyab pou transpò veyikil san motè.

Vil Saratoga Springs - 37,500 dola

Plan Aksyon Klimatik pou Operasyon Gouvènman: Plan Aksyon Klima (Climate Action Plan, CAP) Saratoga Springs lan pral pèmèt vil la franchi etap enpòtan pou bese kontribisyon li nan chanjman klimatik la. Avèk kowòdinasyon atravè senk depatman minisipal yo, CAP la pral fikse objektif pou diminye emision gaz ki lakòz efè sè epi bay yon kad pou reyalize objektif sa yo.

Central New York

Vilaj Pulaski- 900,000 dola

Twotwa Ri Delano a: Vilaj Pulaski pral konstwi nouvo twotwa ki konekte yon konplèks apatman pou granmoun aje ki gen revni fèb, yon etablisman medikal, 52 apatman pou moun ki gen revni fèb, American Legion, yon etablisman fabrikasyon, yon ti makèt, Alternate School (Lekòl Altènatif), ak Haldane Recreation Center (Sant Rekreyasyon Haldane lan).

Mohawk Valley

Vilaj Sharon Springs - 500,000 dola

Pwojè Relokalizsyon ak Espas Vèt: Vilaj Sharon Springs pral relokalize garaj Depatman Travo Piblik (Department of Public Works, DPW), ki kounye a sitiye nan yon plèn inondab 100 ane, pou ale nan yon sit toupre enstalasyon tretman dlo ki egziste a. Bilding DPW a te sibi gwo domaj nan pi gwo evènman inondasyon epi li gen tandans sibi inondasyon nwuizans. Yo pral konstwi yon nouvo garaj ki efikas an tèm enèji ki gen ekleraj LED ak yon sistèm chofaj jewotèmik. Yo pral demoli bilding ki egziste a, epi sit la pral konvèti an espas vèt kòm yon ekspansyon pak adjasan a.

Vilaj West Winfield - 55,350 dola

Plan Konplè: Vilaj West Winfield pral kreye yon plan konplè pou 20 pwochen ane yo. Plan an pral avanse devlopman kominate a lè li defini apwòch vilaj la pou itilizasyon tè ak entegre enkyetid sou dirabilite ak chanjman klimatik.

North Country

Vil Plattsburgh - 400,000 dola

Aplikasyon Plan ki Favorab pou Bisiklèt - Wout ki an sekirite pou ale lekòl: Vil Plattsburgh pral elaji twotwa yo sou 0.37 mil Oak Street nan senk pye lajè; restriksyon pasaj pou pyeton; epi tou ajoute siyal, ekipman siyal pou pyeton, ak liy bisiklèt. Amelyorasyon sa yo pral ofri yon wout ki an sekirite pou mache ak moute bisiklèt pou elèv yo ale nan lekòl primè Oak Street epi finalman diminye depandans sou transpò otomobil epi kidonk diminye emision gaz ki lakoz efè sè yo.

Finger Lakes

Konte Monroe - 150.000 dola

Evalyasyon Vilnerabilite Klimatik: Kòm premye etap nan devlope yon plan adaptasyon klimatik, Konte Monroe pral konplete yon evalyasyon vilnerabilite. Evalyasyon Vilnerabilite Klimatik la pral idantifye, analize, ak priyorize efè danje klima a sou segman espesifik popilasyon an, byen yo, ak tout kominate a.

Konte Monroe - 200.000 dola

Plan Aksyon Klimatik: Apre evalyasyon vilnerabilite li a fini, Konte Monroe pral devlope yon plan adaptasyon klimatik. Plan an pral analize konpozisyon demografik kominote a, rasanble yon gwoup moun ki gen enterè ki divès ak reprezentatif, epi aplike yon estrateji angajman piblik.

Konte Monroe - 100.000 dola

Plan Jesyon Òganik: Konte Monroe pral anboche yon konsiltan pou prepare yon plan jesyon òganik kòm yon pati nan plan jesyon dechè solid lokal la. Plan lokal pou jesyon dechè solid yo ap ekspire an 2025, epi yo te ekri vèsyon aktyèl la anvan LwaResiklaj Rès Manje Eta New York la te an vigè.

Vil Rochester: 1,000,000 dola

Pwojè Amelyorasyon Estasyon Otobis: Anpil nan estasyon otobis ki pi itilize vil Rochester yo manke ekipman ak/oswaaksesiblite Lwa sou Ameriken ki Andikape (Americans with Disabilities Act, ADA), sa ki lakòz yon eksperyans difisil ak enkonfòtab pou anpil moun, espesyalman moun ki andikape yo. Pwojè sa a pral amelyore 125 estasyon otobis yo ak yon kombinezon abri, ban, kib otobis, ekleraj, siyalizasyon, bòdi twotwa, ak/oswa eleman adisyonèl pou konfòme ak ADA a.

Vil Rochester: 52,500 dola

Plan Aksyon Klimatik ak Jesyon Flòt Minisipal: Vil Rochester pral mete ajou plan aksyon klimatik nan tout kominote a ak nan gouvènman an, tèmine yon envantè flòt minisipal, epi devlope yon politik efikasite flòt. Pwojè a pral devlope nouvo objektif rediksyon gaz ki lakòz efè sè, fikse yon estanda efikasite gaz pou flòt vil la, epi bay direktiv pou lòt estrateji pou diminye emisyon ak depans yo.

Long Island

Vil Brookhaven - 910,000 dola

Pwojè Diminisyon Inondasyon Bellhaven: Vil Brookhaven pral ogmante rezistans nan ekstremite Bellhaven Road. Wout sa a regilyèman afekte pa vag siklik ak vag tanpèt yo. Travay pwojè a gen ladan elve wout la, bay plis depo pou dlo lapli, ak ogmante zòn absòpsyon natirèl. Pi bon pratik jesyon ki enkòpore enfrastrikti vèt, bon jan kalite dlo, ogmante retansyon, ak dekoneksyon dechaj dirèk yo pral itilize.

Mid-Hudson

Vilaj Irvington - 1,136,000 dola

Pwojè Diminisyon Inondasyon Route 9: Vilaj Irvington pral fè konsepsyón ak konstiwi amelyorasyon drenaj sou Harriman Road/U.S. Road 9, kote ponso ki egziste deja a pa apwopriye pou transmèt volim ekoulman pandan evènman presipitasyon mwayen ak gwo yo. Inondasyon regilyèman mande pou wout okipe sa yo fèmen pou kèk èdtan, sa ki entèdi aksè ak ijans. Pwojè a pral bese tou inondasyon pou developman rezidansyèl yo ak pwopriyete pou plizyè fanmi sou wout la.

Vil Kent - 45,000 dola

Plan Amelyorasyon Bisiklèt ak Pyeton: Vil Kent pral devlope yon plan pou bisiklèt ak pyeton pou idantifye amelyorasyon transpò milti-modal atravè kominote a, kidonk sa k ap kreye opsyon transpò adisyonèl epi redwi depandans sou vwayaje nan machin. Vil la pral rasanble yon komite konsilitatif, konplete yon odit sikilasyon, epi pwodui yon plan pou dekri objektif pou amelyore enfrastrikti ki egziste deja.

Vil Kingston - 50.000 dola

Pwogram Jesyon Refrijeran nan tout vil la: Vil Kingston lan pral devlope yon plan jesyon refrijeran minisipal, ki gen ladan yon pwogram aplikasyon, pou adrese acha, jesyon, ak eliminasyon refrijeran vil la yo. Pwojè a gen pou objaktif pou edike anplwaye yo sou danje ki genyen nan refrijeran nan klima a epi tou pou diminye emisyon gaz ki lakòz efè sè vil la ki soti nan sous refrijeran yo.

Vil New Rochelle - 100,000 dola

Evalyasyon Politik pou Rezistans Klimatik: Evalyasyon Politik Rezistans Klimatik New Rochelle la pral gide pwosedi fleksib ak elaborayon politik ak twa eleman sible: (1) Paramèt pou pwoblèm anviwònmantal, sosyal ak gouvènans ak yon kad rapò anyèl; (2) Evalyasyon politik plan ijans pou chalè; (3) Yon evalyasyon politik rezistans nan zòn kotyè.

Vil Putnam Valley - 40,000 dola

Envantè gaz ki Lakoz Efè Sè nan Operasyon Gouvènman yo: Vil Putnam Valley pral konplete yon envantè gaz ki lakòz efè sè nan operasyon gouvènman yo, sa ki pral avanse vil la davantaj pou l vin tounen yon Kominote Entèlijan sou plan Klimatik sètifye bwonz. Envantè a pral ede vil la priyorize aksyon epi jwenn sipò lokal pou yon plan aksyon klimatik, ki pral gen ladan envestisman ak politik alontèm ak akoutèm pou konsève enèji ak diminye emisyon yo.

Konte Sullivan - 100.000 dola

Plan Direktè pou Bisiklèt ak Pyeton: Conte Sullivan pral devlope yon plan pou bisiklèt ak pyeton ki konsantre sou amelyore sekirite, konfò, ak komodite mòd transpò altènatif sa yo. Plan an pral ankouraje transpò ki an sante ak aktif pandan y ap evite emisyon ki asosye ak motè konbisyon yo anjeneral itilize pou transpò nan zòn riral yo nan pati nò nan New York.

Konte Ulster - 1684980 dola

Pwojè Enèji Renouvlab Golden Hill: Conte Ulster pral fè patenarya ak Family of Woodstock, Housing Development Corporation nan Conte Ulster, ak yon pwomotè pou konstwi pwojè lojman abòdab Golden Hill nan vil Kingston. Sa a pral yon devlopman lojman ki konplètman elektrik, pou revni miks, ak entè-jenerasyonèl ak yon sistèm pano solè 600 kilowat, 80 inite lojman pou granmoun aje, 84 inite abòdab k ap sèvi moun ki gen 30 poustan a 130 poustan revni medyàn zòn nan, ak yon biling kominotè ki mezire 5,000 pye kare. Sibvansyon sa a prale nan depans pou sistèm solè a.

Southern Tier

Vil Ithaca - 851,450 dola

Jesyon Demann Transpò Anba Lavil Ithaca 2023+: Vil Ithaca pral elaji pwogram jesyon demann transpò (transportation demand management, TDM) GO ITHACA odela anba lavil la pou sèvi East Ithaca, South Hill, Northwest Ithaca, West Hill, The Flats, Lansing, Cayuga Heights, ak Northeast Ithaca. TDM se aplikasyon estrateji, politik, ak benefis itilizatè yo pou chanje konpòtman vwayaje soti nan machin pou yon sèl pasaje pou pase nan mòd transpò piblik ak aktif, kidonk sa k ap diminye emisyon gaz ki lakòz efè sè yo nan sektè transpò a.

Vilaj Owego - 125,000 dola

Rediksyon Risk Inondasyon atravè Sistèm Evalyasyon Kominotè: Owego pral anboche yon kontraktè asistans teknik pou ede vilaj la diminye risk inondasyon li yo lè li patisce nan Sistèm Evalyasyon Kominotè (Community Rating System, CRS) a. CRS se yon pwogram ankourajman volontè ki rekonpanse kominote yo pou aktivite jesyon plèn inondab ki depase egzijans minimòm Pwogram Asirans Inondasyon Nasjonal (National Flood Insurance Program) la.

Vil Ulysses - 55,404 dola

Pwojè Mizajou Plan Konplè Entèlijan sou plan Klimatik: Vil Ulysses pral mete ajou plan konplè 2009 li a. Pwosesis planifikasyon an pral idantife objektif kominotè yo pou priyore tankou devlopman ekonomik, rekreyasyon, agrikilti, ak lojman, pandan y ap byen enkòpore dènye konsèp dirabilite, chanjman klimatik, ak kwasans entèlijan.

Western New York

Vil Amherst - 2,000,000 dola

Amelyorasyon nan Refrijerasyon Patinwa Northtown Center a: Vil Amherst pral ranplase yon sistèm refrijerasyon ki egziste deja nan Northtown Center. Yo pral ranplase refwadisè ki egziste deja nan izin glas nan ekstremite nò a pa yon refwadisè ki mache ak dyoksid karbonik ki favorab pou klima ki kapab sèvi de patinwa. Akòz pi gwo efikasite enèji, pwojè a espere rediksyon emisyon gaz ki lakoz efè sè a 1,082 tòn ak ekonomi enèji ki nan 193,714 dola chak ane.

Vil Buffalo - 140,000 dola

Plan Aksyon ak Adaptasyon Klimatik Kominotè: Vil Buffalo pral devlope yon plan aksyon ak adaptasyon klimatik kominotè ki gen ladann yon envantè kominotè sou gaz ki lakòz efè sè. Pwojè a pral kontribiye nan aplikasyon vil la pou deziyasyon kòm yon Kominote Entèlijan sou plan Klimatik ki sètifye ajan.

Vilaj Lancaster - 100,000 dola

Inisyativ Konjwen Vil/Vilaj pou Rediksyon Gaz ki Lakoz Efè Sè: Pwojè a pral pwodwi yon envantè kominotè sou gaz ki lakòz efè sè ki kouvri emisyon nan alafwa vilaj la ak vil Lancaster. Anplis de sa, vil la ak vilaj yo pral devlope yon plan aksyon klimatik konjwen ki konsantre sou rediksyon emisyon gaz ki lakòz efè sè nan operasyon minisipal yo.

Pwogram Kominote Entèlijan sou plan Klimatik

Sibvansyon sa yo fè pati Pwogram Kominote Entèlijan sou plan Klimatik entè-ajans New York la pou sipòte angajman kominote a nan aksyon klima lokal yo. Kounye a

genyen 369 Kominote Entèlijan sou plan Klimatik ki anrejistre, ki reprezante plis pase 9.4 milyon Nouyòkè. Pou yo deziyen yon kominote ki anrejistre, minisipalite yo pran angajman pou yo aji sou chanjman klimatik lè yo adopte yon rezolisyon fòmèl ki gen ladann yon pwomès 10 pwen. Depi 2014, 100 minisipalite te konplete pwosesis revizyon solid pou yo deziyen kòm Kominote ki Entelijan sou plan Klimatik. Kominote sètifye sa yo te ale odela pwomès la pou konplete ak dokimante yon seri aksyon ki diminye ak adapte ak chanjman klimatik la nan nivo lokal. Gen plis enfòmasyon sou pwogram sètifikasyon an ki disponib nan: <https://climatesmart.ny.gov/>

Plan Klimatik Lidè Nasyonal Eta New York la

Ajanda nasyonal sou klima Eta New York la se inisyativ sou klima ak enèji pwòp ki pi agresif nan peyi a, ki mande yon tranzisyon òdone epi ki ekitab nan enèji pwòp ki kreye travay epi ki kontinye ankouraje yon ekonomi ekolojik pandan Eta New York ap retabli anba pandemi COVID-19 la. Enskri nan lwa atravè Lwa sou Lidèchip Klimatik ak Pwoteksyon Kominotè a, New York sou yon chemen pou reyalize objektif mandate li a nan yon sektè elektrisite zewo emisyon rive 2040, ki gen ladan 70 pousan jenerasyon enèji renouvlab rive 2030, ak pou atenn netralite kabòn nan tout ekonomi an. Li chita sou envestisman san presedan New York pou devlope enèji pwòp yo, ki enkli plis pase 35 milya dola nan 120 pwojè enèji renouvlab ak transmisyon ki fèt sou gran echèl nan eta a, 6.8 milya dola pou redui emisyon batiman yo, 1.8 milya pou devlope enèji solè, plis pase 1 milya dola pou inisyativ transpò pwòp ak plis pase 1.6 milya dola nan angajman NY Green Bank yo. Mete ansanm, envestisman sa yo pèmèt kenbe plis pase 165,000 travay nan sektè enèji pwòp la nan New York an 2021, yon kwasans 2,100 pousan nan sektè enèji solè a ki distribiye depi 2011 ak yon angajman pou devlope 9,000 megawat enèji ewolyèn sou lanmè a disi 2035. Selon Lwa sou Klima a, New York pral apiye sou pwogrè sa a epi diminye emisyon gaz efè sè yo pou 85 pousan pa rapò ak nivo 1990 yo lè nou rive nan 2050 pandan y ap asire ke omwen 35 pousan avèk yon objektif 40 pousan nan avantaj ki genyen nan envestisman nan enèji pwòp pou benefisyé kominote defavorize yo epi fè pwogrè avanse nan direksyon sib efikasite enèji eta a pou lane 2025 la pou diminye konsomasyon enèji sou sit la pou 185 mil milya BTU (inite tèmik britanik) nan ekonomi enèji itilizasyon final.

Konsènan Aplikasyon pou Finansman Konsolide a

Yo te kreye Demann Finansman Konsolide a pou senplifye ak akselere pwosesis demann sibvansyon an. Pwosesis CFA a make yon chanjman fondamantal nan fason yo distribiye resous eta yo, pou garanti mwens biwokrasi ak plis efikasite pou satisfè bezwen developman ekonomik lokal yo. CFA a sèvi kòm sèl pwen dantre pou jwenn aksè a finansman developman ekonomik yo, sa k ap garanti aplikan yo p ap gen pou pèdi tan ant plizyè ajans ak sous san okenn mekanis pou kowòdinasyon. Kounye a, pwojè developman ekonomik yo itilize CFA kòm yon mekanis sipò pou jwenn aksè a plizyè sous finansman eta yo atravè yon sèl aplikasyon, sa k ap rann pwosesis la pi rapid, pi fasil, ak pi pwodiktif. Aprann plis sou CFA [isit la](#).

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

ANILE ENSKRIPSYON OU